

**UNIVERZITET U SARAJEVU  
MAŠINSKI FAKULTET SARAJEVO**

**P R A V I L N I K  
O Z A Š T I T I O D P O Ž A R A**

**Sarajevo, 10.04.2008. godine**

Na osnovu člana 16. i člana 27. Zakona o zaštiti od požara («Sl.list SRBiH», broj: 15/87 i 36/90), i člana 177. Pravila Mašinskog fakulteta Sarajevo, Upravni odbor Mašinskog fakulteta Sarajevo, na sjednici održanoj 09.04.2008. godine, donio je

## **P R A V I L N I K**

### **o zaštiti od požara objekata Mašinskog fakulteta**

#### **I OSNOVNE ODREDBE**

##### **Član 1.**

U cilju sprečavanja izbijanja i širenja požara, njegovog otkrivanja i gašenja, te spašavanja zaposlenika, studenata i materijalnih dobara ugroženih požarom, ovim Pravilnikom se za Mašinski fakultet Sarajevo (u daljem tekstu: Fakultet) utvrđuju mjere i radnje u vezi sa organizacijom, sprovođenjem i unapređenjem zaštite od požara.

##### **Član 2.**

Zaštita od požara obuhvata skup mjera i radnji za otklanjanje uzroka požara, sprečavanje nastajanja i širenja požara, otkrivanje i gašenje požara, utvrđivanje uzroka požara, spašavanje zaposlenika, studenata i imovine ugroženih požarom i pružanje pomoći kod otklanjanja posljedica prouzrokovanih požarom.

#### **II MJERE ZAŠTITE OD POŽARA**

##### **Član 3.**

Zaštita od požara organizira se i kontinuirano provodi pri obavljanju poslova zaposlenika u objektima Fakulteta na svim mjestima i prostorima gdje postoji mogućnost nastajanja požara.

##### **Član 4.**

U cilju otklanjanja uzroka, sprečavanja, izbijanja i širenja požara, spašavanja zaposlenika, studenata i imovine ugroženih požarom u objektima Fakulteta, opremi i instalacijama, kao i na prostoru u objektima Fakulteta, opremi i instalacijama, kao i na prostoru oko njih, primjenjuju se mjere zaštite od požara utvrđene ovim Pravilnikom.

#### **1. Mjere pri projektovanju adaptacije i rekonstrukciji**

##### **Član 5.**

Pri projektovanju i izvođenju radova na adaptaciji ili rekonstrukciji objekata Fakulteta primjenjuju se mjere i normativi zaštite od požara propisani Zakonom, tehničkim propisima i standardima za zaštitu od požara.

Elektropostrojenja, instalacije i uređaji treba da budu izvedeni prema važećim tehničkim propisima i standardima za elektrouređaje.

Elektromotori i drugi elektrouređaji i instalacije moraju biti propisno izvedeni, ugradjeni i zaštićeni shodno odredbama propisa, a njima mogu rukovoditi i održavati samo obučena lica elektrostruke.

Pri izvođenju bilo kakvih radova na instalacijama i postrojenjima potrebno je osigurati propisane mjere zaštite od požara i tehničku dokumentaciju.

## **2. Mjere u procesu rada**

### **Član 6.**

U procesu preuzimanja od dobavljača, skladištenja i upotrebljavanja robe i drugog potrošnog, zapaljivog i eksplozivnog materijala, moraju se obezbjediti i provesti mjere i postupci zaštite od požara propisane Zakonom, tehnološkim postupkom i upustvom proizvođača.

Neophodno je obezbjediti ispravnost tehničkih i sigurnosnih protupožarnih uređaja instaliranih u objektima Fakulteta, čime se obezbeđuje sprovođenje propisanih mjera zaštite od požara.

### **Član 7.**

U prostorijama Fakulteta neophodno je obezbjediti sljedeće mjere:

- zaključavanje svih elektrorazvodnih ormara odgovarajućim sigurnosnim bravama,
- redovno održavati potrebnu čistoću u prostorijama,
- postaviti potreban broj tabli upozorenja i obavještenja,
- zabraniti upotrebu aparata i uređaja koji imaju otvorena grejna tijela (električne grijalice, kuhala i sl.) čija upotreba bi mogla da izazove varničenje i pojavu požara i eksplozije,
- zabranom upotrebe kablova kojima je oštećena izolacija,
- i drugo što može izazvati neželjene posljedice.

## **3. Mjere pri skladištenju i manipulaciji zapaljivih i opasnih materijala**

### **Član 8.**

U slučaju potrebe, skladištenja i pretakanja zapaljivih tečnosti i opasnih materijala to se obavlja na način propisan Zakonom o prometu eksplozivnih materijala, zapaljivih tečnosti i gasova te Pravilnikom o zaštiti na radu, kao i drugim tehničkim propisima i standardima kojima je regulisana ova materija.

## **4. Mjere održavanja i kontrole ispravnosti instalacija i uređaja**

### **Član 9.**

Neophodno je obezbjediti redovno održavanje i kontrolu ispravnosti instalacija i uređaja u laboratorijama i objektima Fakulteta i to:

- uređaje i elektroinstalaciju treba redovno ispitivati shodno Zakonu o tehničkim propisima,
- redovno obavljati kontrolu pregleda ispravnosti opreme, instalacija i uređaja za gašenje i dojavu požara,
- i drugog za koje se ocjeni da je neophodno pristupiti kontroli.

### **Član 10.**

Prilikom obavljanja radova u prostorima zgrada i na instalacijama ukoliko se vrše poslovi rezanja ili zavarivanja autogenim aparatom ili elektrolučno, potrebno je prilikom obavljanja ovih poslova poduzeti odgovarajuće mjere koje bi spriječile nastanak požara, čiji bi uzrok bili rezanje ili zavarivanje.

## **5. Mjere pri izvođenju radova na elektroinstalacijama**

### **Član 11.**

Održavanje električne instalacije obavlja za to ovlaštena pravna ili fizička osoba, ili stručni zaposlenici koji rade na održavanju elektroinstalacija i uređaja u zgradi Fakulteta.

### **Član 12.**

U blizini mjesta razvodnih organa ne smiju se držati zapaljivi predmeti niti prilaz smije biti zapriječen. Zabranjuje se postavljanje provizorne elektroinstalacije.

### **Član 13.**

Ispitivanje otpora elektro izolacije obavezno se vrši u razdoblju od 10 (deset) godina, a na mjestima gdje je instalacija izvedena na drvenoj podlozi ili nekoj drugoj lako zapaljivoj podlozi, ispitivanje se vrši svake godine.

Ispitivanje otpora izolacije vrši isključivo ovlaštena firma, a nakon ispitivanja se izdaje atest o provedenom ispitivanju.

### **Član 14.**

U prostoru kotlovnice moraju biti postavljeni propisani aparati za početno gašenje požara. U kotlovnici mogu boraviti isključivo osobe koje rukuju kotlovnicom.

## **III ORGANIZACIJA ZAŠTITE OD POŽARA**

### **Član 15.**

Zaštitu od požara u objektima Fakulteta organizuju, sprovode i unapređuju:

- dekan
- sekretar
- šefovi katedri
- šefovi službi
- domar
- svi zaposlenici.

### **Član 16.**

Rukovodni zaposlenici Fakulteta posebno su dužni da:

- obezbjedjuju organizovanje i izvršavanje poslova zaštite od požara,
- naredjuju otklanjanje nedostataka utvrdjenih od strane nadležnih organa,
- obezbjedjuju sredstva za zaštitu od požara,
- obustavljanje rada u kancelarijama, laboratorijama, učionicama i drugim radnim prostorima, ako postoji neposredna opasnost za ugrožavanje života zaposlenika, studenata i materijalnih dobara izbijanjem požara ili eksplozije,
- odobravaju postavljanje odgovarajućih upustava, znakona opasnosti i upozorenja,
- odobravaju održavanje, ispitivanje sredstava rada i opreme od strane ovlaštene firme,
- odobravaju kontrolu ispravnosti i reviziju aparata za gašenje od požara.

#### **Član 17.**

Svi zaposlenici u objektima Fakulteta imaju pravo i dužnost da učestvuju u organizovanju, sprovođenju i unapređenju mjera zaštite od požara, a u skladu sa Zakonom, ovim Pravilnikom i drugim aktima.

Prioritetni zadaci u sprovođenju mjera i propisa iz oblasti zaštite od požara od strane zaposlenika su da:

- poduzimaju, sprovode i pridržavaju se propisanih mjera zaštite od požara,
- upućuju prijedloge i zahtjeve šefovima službi, katedri, dekanatu u cilju otklanjanja nedostataka koji mogu ugroziti bezbjednost ljudi i imovine nastankom požara,
- blagovremeno budu informisani o poduzetim mjerama i radnjama u cilju otklanjanja uočenih nedostataka,
- u radnim prostorima po završetku radnog vremena otklanjaju opasnosti koje bi mogle prouzrokovati požar,
- u toku radnog vremena vode računa o gašenju i odbacivanju ostataka cigareta na siguran način,
- sve kvarove na elektroinstalacijama, uređajima i opremi prijavljuju odmah kako bi se blagovremeno otklonile potencijalne opasnosti od izbijanja požara,
- u slučaju požara dužni su pristupiti početnom gašenju do dolaska profesionalne ekipe, a zatim učestvovati u spašavanju ljudi i materijalnih dobara.

### **IV SREDSTVA I OPREMA ZA GAŠENJE I DOJAVU POŽARA**

#### **Član 18.**

Svi prostori na Fakultetu moraju biti obezbjeđeni sa sredstvima i opremom za gašenje požara, a po mogućnosti i opremom za dojavu požara shodno odredbama Zakona o zaštiti od požara.

#### **Član 19.**

Broj, vrsta sredstava i opreme vezanih za zaštitu od požara posebno se evidentiraju i o tome brigu vodi domar.

#### **Član 20.**

Održavanje i kontrolu aparata za gašenje požara i hidrantske mreže vrše ovlaštene firme u skladu sa Zakonom o zaštiti od požara i tehničkim propisima.

#### **Član 21.**

Za organizovanje kontrole ispravnosti i funkcionalnosti opreme i sredstava za gašenje požara odgovoran je domar.

### **V GAŠENJE POŽARA I SPAŠAVANJE LJUDI I OPREME**

#### **Član 22.**

Početno gašenje požara i spašavanje zaposlenika, studenata i materijalnih dobara Fakulteta obavljaju radnici na održavanju Fakulteta, a u gašenju požara većih razmjera učestvuju svi zaposlenici i profesionalne vatrogasne jedinice.

## VI ZAVRŠNE ODREDBE

### Član 23.

Pravilnik stupa na snagu danom donošenja od strane Upravnog odbora.



PREDSJEDNIK  
UPRAVNOG ODBORA

Elvira Kadrić, dipl.ing.

Broj: 06-VL-456 /08  
Sarajevo, 16.04. 2008. godine